

গণপ্রজাতন্ত্রী বাংলাদেশ সরকার
শিক্ষা মন্ত্রণালয়
মাধ্যমিক ও উচ্চ শিক্ষা বিভাগ
বেসরকারি মাধ্যমিক-১ শাখা
বাংলাদেশ সচিবালয়, ঢাকা
www.shed.gov.bd

স্মারক নম্বর : ৩৭.০০.০০০০.০৭২.২২.০১১.২৩.৩৭৪

তারিখ: ০৪ পৌষ ১৪৩১
১৯ ডিসেম্বর ২০২৪

স্বয়ংক্রিয় সফটওয়্যারের মাধ্যমে বেসরকারি শিক্ষা (স্কুল, কলেজ) প্রতিষ্ঠানে কর্মরত এনটিআরসিএ সুপারিশপ্রাপ্ত এমপিওভুক্ত শিক্ষক বদলী নীতিমালা ২০২৪

বেসরকারি শিক্ষক নিবন্ধন ও প্রত্যয়ন কর্তৃপক্ষ (এনটিআরসিএ) কর্তৃক সুপারিশপ্রাপ্ত হয়ে দেশের বিভিন্ন অঞ্চলে বেসরকারি শিক্ষা (স্কুল, কলেজ) প্রতিষ্ঠানে কর্মরত এমপিওভুক্ত শিক্ষক/শিক্ষিকাগণের বদলীর ব্যবস্থা থাকা প্রয়োজন। বদলী কার্যক্রম স্বয়ংক্রিয় সফটওয়্যারের মাধ্যমে একটি নীতিমালার আওতায় বাস্তবায়ন হওয়া প্রয়োজন। তাই, বেসরকারি শিক্ষা (স্কুল, কলেজ) প্রতিষ্ঠানে কর্মরত এনটিআরসিএ সুপারিশপ্রাপ্ত এমপিওভুক্ত শিক্ষকদের জন্য নিম্নোক্ত বদলী নীতিমালা ২০২৪ প্রণয়ন করা হল।

১। শিরোনাম :

- ১.১ এ নীতিমালা “স্বয়ংক্রিয় সফটওয়্যার এর মাধ্যমে বেসরকারি শিক্ষা (স্কুল, কলেজ) প্রতিষ্ঠানে কর্মরত এনটিআরসিএ সুপারিশপ্রাপ্ত এমপিওভুক্ত শিক্ষক বদলী নীতিমালা ২০২৪” নামে অভিহিত হবে।
১.২ এ নীতিমালা জারির তারিখ থেকে কার্যকর হবে।

২। প্রযোজ্যতা :

বেসরকারি শিক্ষা (স্কুল, কলেজ) প্রতিষ্ঠানে এনটিআরসিএ সুপারিশপ্রাপ্ত এমপিওভুক্ত শিক্ষকগণের জন্য এ নীতিমালা প্রযোজ্য হবে।

৩। বদলির সাধারণ শর্তাবলী :

- ৩.১ বেসরকারি শিক্ষক নিবন্ধন ও প্রত্যয়ন কর্তৃপক্ষ (এনটিআরসিএ) প্রতিষ্ঠানভিত্তিক শূন্যপদের চাহিদা/বিবরণ ১৫ সেপ্টেম্বরের মধ্যে অনলাইনে প্রকাশ করবে।
৩.২ প্রকাশিত শূন্য পদের বিপরীতে মাধ্যমিক ও উচ্চ শিক্ষা অধিদপ্তর বদলীর আবেদন আহ্বান করবে।
৩.৩ সমপদে পদ শূন্য থাকা সাপেক্ষে, বদলীর জন্য ১লা অক্টোবর থেকে ৩০ অক্টোবরের মধ্যে অনলাইনে আবেদন করতে পারবে। ৩০ নভেম্বরের মধ্যে বদলীর আদেশ জারি হবে। ৩০ ডিসেম্বরের মধ্যে নতুন কর্মস্থলে যোগদান সম্পন্ন হবে।
৩.৪ আবেদনকারি শিক্ষক তাঁর চাকরির আবেদনে উল্লেখকৃত নিজ জেলায় বদলির জন্য আবেদন করবেন। তবে নিজ জেলায় পদ শূন্য না থাকলে, নিজ বিভাগের যে কোন জেলায় বিদ্যমান শূন্য পদের বিপরীতে বদলির আবেদন করতে পারবে।
৩.৫ প্রথম যোগদানের পর চাকরি দুই বছর পূর্ণ হলে বদলির আবেদন করার জন্য যোগ্য হবেন।
৩.৬ বদলী হয়ে নতুন কর্মস্থলে যোগদানের পর ন্যূনতম দুই বছর কর্মে নিয়োজিত থাকার পর পরবর্তী বদলীর জন্য আবেদন করতে পারবেন।

- ৩.৭ একজন শিক্ষক কর্মজীবনে সর্বোচ্চ দুই বার বদলি হওয়ার সুযোগ পাবেন। তবে একজন শিক্ষিকা কর্মজীবনে সর্বোচ্চ তিনবার বদলীর সুযোগ পাবেন।
- ৩.৮ একটি শূন্য পদের জন্য একাধিক আবেদন পাওয়া গেলে, নিম্নোক্ত অগ্রাধিকার বিবেচনা করতে হবে:-
 (ক) জ্যেষ্ঠতা
 (খ) নারী
 (গ) দূরত্ব
- ৩.৯ চাকরিতে প্রথম যোগদানের তারিখ হতে সিনিয়রিটি গণনা করা হবে।
- ৩.১০ একটি পদের জন্য প্রতিযোগি সকল আবেদনকারি কর্মস্থল একই উপজেলায় হলে তাদের কর্মস্থল উপজেলার কেন্দ্র হতে কাংখিত উপজেলার কেন্দ্র-এর দূরত্ব গণনাপূর্বক সকলের জন্য প্রযোজ্য করতে হবে।
- ৩.১১ একটি পদের জন্য প্রতিযোগি আবেদনকারি বিভিন্ন উপজেলার হলে তাদের কর্মস্থল জেলার কেন্দ্র হতে কাংখিত জেলার কেন্দ্র-এর দূরত্ব গণনাপূর্বক সকলের জন্য প্রযোজ্য করতে হবে।
- ৩.১২ একটি পদের জন্য প্রতিযোগি আবেদনকারি বিভিন্ন জেলার হলে তাদের স্ব-স্ব জেলার কেন্দ্র হতে কাংখিত জেলার কেন্দ্র এর দূরত্ব গণনা করতে হবে।
- ৩.১৩ দূরত্ব পরিমাপের জন্য জনপ্রশাসন মন্ত্রণালয়-এর মডেল অনুসরণ করা হবে।
- ৩.১৪ অসম্পূর্ণ বা ভুল তথ্য সম্বলিত আবেদন বিবেচনাযোগ্য হবে না। ইচ্ছাকৃত ভুল প্রমাণিত হলে শাস্তি যোগ্য অপরাধ হিসেবে গন্য হবে।
- ৩.১৫ বদলীর কার্যক্রম সম্পন্ন হওয়ার পর এনটিআরসিএ অবশিষ্ট শূন্য পদে নিয়োগের সুপারিশ চূড়ান্ত করবে।
- ৩.১৬ একটি শিক্ষা প্রতিষ্ঠান থেকে বছরে ০১(এক) জন শিক্ষক বদলীর সুযোগ পাবেন।

৪। বদলির কর্তৃপক্ষ :

মহাপরিচালক, মাধ্যমিক ও উচ্চ শিক্ষা অধিদপ্তর কর্তৃক বদলির আবেদন নিষ্পত্তি হবে।

৫। আবেদন নিষ্পত্তি প্রক্রিয়া :

- ৫.১ বদলির সমগ্র প্রক্রিয়া সফটওয়্যারের মাধ্যমে সম্পন্ন হবে।
- ৫.২ মাধ্যমিক ও উচ্চ শিক্ষা অধিদপ্তর সফটওয়্যার তৈরী ও অনলাইন আবেদনের ফরমেট নির্ধারণ করবে।
- ৫.৩ বদলীকৃত শিক্ষকের ইনডেক্স পূর্বের প্রতিষ্ঠান থেকে বদলীকৃত প্রতিষ্ঠানে অন-লাইনে ট্রান্সফার হবে।
- ৫.৪ পারস্পারিক বদলীর ক্ষেত্রে লিখিত আবেদনের প্রেক্ষিতে কর্তৃপক্ষ বদলী/পদায়ন এর বিষয়টি নিষ্পন্ন করতে পারবেন।
- ৫.৫ বদলীকৃত শিক্ষকের এমপিও ও অন্যান্য আর্থিক সুবিধাদি এবং জৈষ্ঠ্যতার ধারাবাহিকতা পূর্ববৎ বজায় থাকবে।

৬। বিবিধ :

- ৬.১ বদলির আবেদন অধিকার হিসাবে দাবী করা যাবে না।
- ৬.২ বদলীকৃত শিক্ষক কোন ধরনের টিএ/ডিএ ভাতা পাবেন না।
- ৬.৩ আদেশ জারির ১০ দিনের মধ্যে সংশ্লিষ্ট শিক্ষা প্রতিষ্ঠানের প্রধান বদলীকৃত শিক্ষকের অবমুক্তি নিশ্চিত করবেন।
- ৬.৪ অবমুক্ত হওয়ার পরবর্তী ১০ দিনের মধ্যে নতুন কর্মস্থলে যোগদান করতে হবে। সংশ্লিষ্ট শিক্ষা প্রতিষ্ঠান প্রধান যোগদানের তথ্য চেয়ারম্যান, বেসরকারি শিক্ষক নিবন্ধন ও প্রত্যয়ন কর্তৃপক্ষ (এনটিআরসিএ) ও মহাপরিচালক, সংশ্লিষ্ট অধিদপ্তর-কে অনলাইনে অবহিত করবেন।
- ৬.৫ অবমুক্তি হতে যোগদান পর্যন্ত দিবসগুলো কর্মকাল হিসেবে গন্য হবে।



৭। **রহিত করণ :**

এই নীতিমালা জারী হওয়ার পর শিক্ষা মন্ত্রণালয় হতে জারীকৃত ০১ আগস্ট ২০২৪ তারিখ ৩৭.০০.০০০০.০৭২.২২.০০১.২৩.১৭০ নং স্মারকে “বেসরকারি শিক্ষা (স্কুল, কলেজ) প্রতিষ্ঠানে কর্মরত এমপিওভুক্ত শিক্ষক বদলী সংক্রান্ত নীতিমালা-২০২৪” এতদ্বারা রহিত করা হলো।

৮। মন্ত্রণালয় প্রয়োজনে এই নীতিমালা পরিবর্তন, পরিবর্ধন, পরিমার্জন ও ব্যাখ্যা করতে পারবে।

১৯/১২/২০২৪

স্বাক্ষরিত

সিদ্দিক জোবায়ের

সিনিয়র সচিব

মাধ্যমিক ও উচ্চ শিক্ষা বিভাগ

স্মারক নম্বর : ৩৭.০০.০০০০.০৭২.২২.০১১.২৩.৩৭৪

০৪ পৌষ ১৪৩১

তারিখ: ১৯ ডিসেম্বর ২০২৪


সদয় অবগতি ও প্রয়োজনীয় কার্যার্থে অনুলিপি প্রেরণ করা হলো (জ্যেষ্ঠতার ক্রমানুসারে নয়) :

১. সচিব, কারিগরি ও মাদ্রাসা শিক্ষা বিভাগ, বাংলাদেশ সচিবালয়, ঢাকা।
২. অতিরিক্ত সচিব (সকল), মাধ্যমিক ও উচ্চ শিক্ষা বিভাগ, শিক্ষা মন্ত্রণালয়, বাংলাদেশ সচিবালয়, ঢাকা।
৩. মহাপরিচালক, মাধ্যমিক ও উচ্চ শিক্ষা অধিদপ্তর, ঢাকা।
৪. বিভাগীয় কমিশনার, (সকল)।
৫. চেয়ারম্যান, বেসরকারি শিক্ষক নিবন্ধন ও প্রত্যয়ন কর্তৃপক্ষ (এনটিআরসিএ), ঢাকা।
৬. মহাপরিচালক, বাংলাদেশ শিক্ষাতথ্য ও পরিসংখ্যান ব্যুরো (ব্যানবেইস), পলাশী, নীলক্ষেত, ঢাকা।
৭. যুগ্মসচিব (বেসরকারি মাধ্যমিক/সরকারি মাধ্যমিক/আইন ও শৃঙ্খলা/উন্নয়ন), মাধ্যমিক ও উচ্চ শিক্ষা বিভাগ, শিক্ষা মন্ত্রণালয়, বাংলাদেশ সচিবালয়, ঢাকা।
৮. মাননীয় উপদেষ্টার একান্ত সচিব, শিক্ষা মন্ত্রণালয়, বাংলাদেশ সচিবালয়, ঢাকা।
৯. চেয়ারম্যান, মাধ্যমিক ও উচ্চ মাধ্যমিক শিক্ষা বোর্ড, ঢাকা/রাজশাহী/যশোর/সিলেট/বরিশাল/কুমিল্লা/চট্টগ্রাম/দিনাজপুর/ময়মনসিংহ।
১০. চেয়ারম্যান, বাংলাদেশ মাদ্রাসা শিক্ষা বোর্ড, ঢাকা।
১১. চেয়ারম্যান, বাংলাদেশ কারিগরি শিক্ষা বোর্ড, আগারগাঁও, ঢাকা।
১২. জেলা প্রশাসক, (সকল)।
১৩. বিশেষ সহকারী (প্রতিমন্ত্রীর পদমযাদা) একান্ত সচিব, শিক্ষা মন্ত্রণালয়, ঢাকা।
১৪. সচিব মহোদয়ের একান্ত সচিব, মাধ্যমিক ও উচ্চ শিক্ষা বিভাগ, শিক্ষা মন্ত্রণালয়, ঢাকা।
১৫. উপপরিচালক, বাংলাদেশ সরকারি মুদ্রণালয়, তেজগাঁও, ঢাকা (প্রজ্ঞাপনটি বাংলাদেশ গেজেটের পরবর্তী সংখ্যায় প্রকাশের অনুরোধসহ)।
১৬. উপজেলা নির্বাহী অফিসার, (সকল)।
১৭. পরিচালক, মাধ্যমিক ও উচ্চ শিক্ষা অঞ্চল, (সকল)।
১৮. উপ-পরিচালক, মাধ্যমিক ও উচ্চ শিক্ষা অঞ্চল, (সকল)।
১৯. সিস্টেম এনালিস্ট, মাধ্যমিক ও উচ্চ শিক্ষা বিভাগ, বাংলাদেশ সচিবালয়, ঢাকা (ওয়েবসাইটে প্রকাশের অনুরোধসহ)।
২০. জেলা শিক্ষা অফিসার, (সকল)।
২১. উপজেলা/থানা মাধ্যমিক শিক্ষা অফিসার, (সকল)।



২২. অধ্যক্ষ.....।

২৩. প্রধান শিক্ষক.....।

 ১৯. ১২. ২৪

(সাইয়েদ এ.জেড. মোরশেদ আলী)

উপসচিব

ফোন: ৯৫৫০৩৪১

nongovt.secondary.sec1@shed.gov.bd